

絳縣志卷十七

奉政大夫同知銜賞戴花翎山西絳州絳縣知縣加五級紀錄十次成都胡延讓

藝文志第九

志有藝文之名蓋始班掾隋書易名經籍其實一也漢書分載九流後世多依七畧統以四部或但存目錄或繫以論說私家著述若陳振孫晁公武各有解題今世所謂目錄之學號為專家從無攷掇今古詩文猥雜成篇而謂之藝文也者絳縣古籍無徵今所存者寥寥數種而皆不名於世茲依四部序之以待大正宏達君子輝煌盛業焉至於金石文字無五代以前之刻竊念絳隣聞喜八裴之盛豈無墓碑隧碣近在涑源左右者加

絳縣志

卷十七

藝文門

一

意蒐牢或者久蕪復熯獨惜宇文肆虐古刻不可復得耳鄭漁仲通志以碑入集部今特依而附之不別為目也

經部

河洛發揮圖

無卷數

國朝譚彝讓

四書講義

無卷數

國朝張展翎讓

四書集抄註解

無卷數

國朝馬邦本讓

史部

嘉靖絳縣志

無卷數明吉大來讓序曰志以紀事也絳為堯之故墟歷年既遠沿革不同其地之高阜俗之儉嗇

民之質朴勤苦未之有改也古人所謂憂深思遠所謂颯颯乎有陶唐氏之遺風今幸猶有存者顧邑自肇建以來未嘗有志而人文物產漫無可稽嘉靖戊午霜橋李公謂郡邑無志是謂缺典吾有司之責也於是屬余輯之余考諸古今典

籍索之斷簡殘碑比事分類採輯成編若田畝所以充貢賦  
循役所以稽民數山川以察形勝地里以分遠邇人才以驗  
氣化之盛衰官師以著政績之得失此事之所必記而志之  
所由成也觀志者觀田畝之數而在土作貢之義明矣觀循  
役之繁而用一緩二之心切矣觀山川形勝地里遠邇據地  
設險防守之慮周矣觀人才之盛衰官師之淑慝育才旌淑  
觀勉之意寓矣志之所係豈其微哉於戲英服哲采宦於斯  
者不可勝紀老師宿儒抱良史之才者亦不可勝紀而數百  
年來迄無一志以紀其實而霜橋公乃能展采闢先肇斯曠  
典使一邑之乘缺於百年而成於一旦捐俸壽梓用圖久遠  
可謂達為政之務可謂大有功  
於時公其可少乎哉因序及之

### 萬曆絳縣志六卷

明黃維翰撰陶登序曰余髫時雅嗜春秋以  
其紀二百四十年之行事無虛美無隱惡誠

萬代不刊之典非他史之多所訾議者比日者暫憇田野取  
舊所讀書一屬目焉絳之選士續君唐祚謁余道邑之大夫  
新纂志成懇余序諸首蓋以絳之有志歷年既久山川固未  
有改而時異勢殊變態萬狀凡觀風至者索實錄以稽典故  
則故者傳聞多所未紀即間有紀者又皆溫媪之疑魚魯之  
誤每為於邑黃侯治絳數年興廢舉墜尤加意於邑志先是

### 絳縣志

### 卷十七

藝文門

二

八計時開局纂修命亞侯趙君禮羅貢生趙君續君等執筆  
細心裁訂刪其繁補其缺序其紊正其舛諸弗軌於筆削者  
毫不假借經年而告成爲卷凡六爲條四十有奇條各有說  
要皆公好公惡宛然一春秋華衮斧鉞之義也侯於案牘之  
餘不憚運斤再加剛正俾其金根沿舊己亥聿新然後付之  
剗厠誠一邑之實錄也余惟邑之有志猶國之有史史以紀  
一國之實觀之可以鏡得失志以紀一邑之事觀之可以知  
利害矧絳爲唐堯甸服晉文故墟漢周勃食邑凡弔古之士  
必披閱焉則所以鏡其隆替之故動其興除之心者將於此  
志係之矣豈徒備觀覽玩物情而已哉侯之善政不止成志  
事志成而侯之善政具可觀已足爲序

### 順治絳縣志五卷

國朝趙士宏撰序曰嘗考絳爲晉都新田地  
山西新通志以爲今之絳縣曲沃詩傳注唐

在今絳州郡志于翼亦曰春秋爲晉之絳邑後改曰翼絳之  
名其由來遠矣歷代沿革不一疆域併裂於是州有志沃有  
史翼有乘而縣亦有志焉嘉靖創始萬曆再葺吉陶二序詳  
且盡矣余自戊戌治絳下車來即詢掌故而絳人僉云籌林  
發難之際銀梓盡付祝融亟力購遺止得斷簡噫邑之有志  
猶國之有史將以編年紀事昭往而勸來也修舉乏人考證

罔據豈非守茲土者之過歟余皇然是懼亦既聚族而謀故請老成名宿各就蠹譜俾出鴻裁爰刪穰以芟繁並補遺而訂誤書將殺青廣文張君述其顛末比於元晏客有過余者曰新志簡潔詳明甫開卷而絳之山川人物瞭若列眉誠實錄矣夫絳在曩或稱都會或號侯封其間沿革代更亦得聞其遺烈乎余曰周成王封叔虞于唐子燮改國號曰晉後徙曲沃復自曲沃遷都于翼而以其故都曲沃封成師是為桓叔其後桓叔之孫武公滅晉仍都曲沃子獻公始都絳至景公遷於新田復命新田為絳而以故都之絳為故絳客曰故絳據史傳為今絳州地無疑曲沃郎新田也何景公謀去故絳不云復都曲沃而言遷於新田豈新田曲沃為兩地乎余曰然今之聞喜古曲沃地今之絳縣曲沃古新田地也新通志所紀誠是客曰左傳引絳縣老人事最著安見絳縣新田為一地乎余曰老人當晉悼城杞之年在景公遷都之後既命新田為絳自不名新田而名絳縣矣客曰絳為都奚以縣名余曰史傳晉幽公時止有絳縣曲沃二邑何亦以邑稱絳耶況郡縣之法始于秦周制視近今亦或有別乎郡志又載翼於春秋為晉之絳邑後改曰翼則翼之先亦絳地也及漢興併翼入絳為絳縣封周勃今曲沃翼城志中所紀無異也東漢加邑字至後魏始析絳縣地為三一置曲沃縣為今曲

絳縣志

卷十七

藝文門

三

沃之始蓋漢武帝破南粵時已改古曲沃為聞喜矣而此卽絳縣地而另置之也一置北絳郡後復為翼一置南絳縣自是之後而絳沃翼遂分矣竊以為絳之名當起於山若水今絳山為邑主鎮去縣二十里智伯所謂絳水可以灌安邑者其源又出自城西山靈川秀地居上游歷干祀而名莫易絳誠古今來名區哉他若太行綿亘中條逶迤而凍澮沸濂之波及隣壤者探本窮源無不遇絳而問焉賢人君子生於其間往往有陶唐翼遺風餘思雖當分析之後猶颯颯若前日也是合沃翼而絳自若卽析沃翼而絳亦自若也然則沃史翼乘州志具在焉絳縣志又烏可少哉客起謝聞教遂因序志而漫及之

乾隆絳縣志十四卷

國朝拉昌阿撰序曰絳縣古晉都也今之

稱謂遂殊然山水皆以絳得名而以絳為縣從古不易閱前志舊敘考核頗詳其為古絳無疑也獨計絳為名區春秋以來名人碩績史不勝書乃鄰邑所載各有實錄而絳獨歷久無志前明霜橋李公創始於嘉靖戊午而記述簡略窮於耳目萬曆中年黃侯稍復增益至順治己亥邑令趙公延訪採擇彙集成編頗為詳密自是以後無復修輯余初下車披閱

邑乘心竊悼之以爲國朝定鼎百餘年聖明作述治化  
翔洽其在上下之教化與在下之風俗無論遠邇各蒸蒸然登  
於上理故忠孝節義之士往往接跡其間豈此邦竟寂寂不  
聞耶且文人著述名士科第未嘗無鴻章顯秩可以表見當  
時而乃散而不收棄而不錄況於空山逸德石室藏書其伏  
而不出隱而弗彰者何可勝道哉有志之士思欲景仰前徽  
追蹤懿範而失所考據感發無從則名教之植將誰是賴余  
於鞅掌之暇方思增補舊籍會牧伯張公檄屬修志遂得爲  
所欲爲爰是禮聘高明分任良士資所聞見以備採擇富厚  
者不得倖入窮約者無所沈淪去僞存真剛繁補缺上自星  
野下逮藝文合舊志併爲一十四卷分條別類千百年典故  
事跡庶幾展卷燎如而庸辭駸語概從芟削後之覽者倘更  
廣爲搜羅詳加訂正以是爲禕謹所草創固余之所厚幸其  
或於披尋之下慨然興復古之思而補弊救廢返諸儉樸於  
絳邑亦或有禕云

### 光緒絳縣志十四卷

國朝劉斌撰序曰古者天子有史列國亦  
各有其史後世列國而郡縣之於是史  
專屬諸天府而省邑始有誌誌之義固亦列國史之餘也可  
弗重與縣邑之爲誌微矣絳邑又縣之小者也絳旣微且小

### 絳縣志

### 卷十七

藝文門

四

誌不誌亦烏足輕重然衡以列國有史之義昔杞文不足徵  
孔子惜之絳雖微且小猶是列國史之餘也又烏可弗重與  
顧史備善惡勸懲垂焉誌則錄美而不錄惡亦若有勸無懲  
者然其間忠孝廉節之大宏通博雅之選以至夫一善行之  
細一技藝之長皆得紀之令人有名人不稱之疾焉是亦懲之  
義寓於勸焉矣而況夫星野日月雨露之禎祥山川道里之  
夷險人民田賦租稅之經常其有關於國計民生者備載之  
又非但一邑之掌故而已誠亦重矣重則修而詳之葺而補  
之義不容緩矣縣志自乾隆乙酉續修後迄今垂百且十有  
五年固其時也顧絳邑傍絳山而城高據而俯視其地貧瘠  
其民質樸地瘠則鳩工聚財之多窘民質則因陋就簡而亦  
安加以咸同中之流寇兩過境年來之旱荒人民流離死亡  
邑獻凋殘其存者類皆帶經而鋤幾爲慮食之不給而欲於  
文獻多故之餘採訪備詳足以補其闕如蓋亦難矣然後知  
前之人時而有待者固亦有說也雖然絳在春秋晉時固一  
大都會也其爲地固不狹如今之縣境而若士蔦之城聚狐  
氏之故里偃之墓獻文靈三公之邱隴在境焉凡詳諸今誌  
者皆可據迹而稽昔曲沃武公既據全晉獻公繼之始作都  
邑內顧曲沃而外馭新附之翼形勝疑莫出於此則今之絳  
縣其爲故絳近而外馭新附之翼形勝疑莫出於此則今之絳

稽顙屢世猶朝會於此川原生色城邑用光乃若恭世子之  
孝思狼蹕之義勇說禮樂敦詩書之彥肅而寬忠而能力之  
賢名卿大夫繼起迭興濟濟都邑所謂豪傑之士蓋指不勝  
屈而何以今之人文竟遠不及古所云也毋亦潛德之幽光  
類有如甲子之老人避傳之重者不遇趙武伯宗久且淹沒  
不彰與絳山之麓涑水之源山川之靈秀固在應有鍾焉豈  
其興起之無術後生小子無以激勵而感發而遂大有負其  
資稟與是二者誌皆有關焉顧當此大祲之餘撫流亡清田  
賦界井疆一切安養生全之政日不暇給雖有志焉亦惟待  
時而已而何幸 宮保伯中丞公之檄適至乃進諸紳耆而  
謀之曰 中丞公之意可不謂厚矣乎原夫旱荒以來賑濟  
之粟安撫之餉馬牛耕作之乏力籽種田器之需財一切施  
濟之善政絳皆與焉念夫倉廩之施散竭後將何以備荒政  
羅穀之檄日又下矣今者有慮於幽潛之不彰亦足以備荒  
天和荒旱之由或出於此顧不遺吾絳而進之非以聲名干  
物之邦一視之也哉若猶安於質樸委以貧瘠毋乃有負於  
中丞公之厚意與僉曰然退而轉相告語遂皆踴躍從事一  
仍舊誌而審詳之不敢飾以臆說蓋慎重之至也不數月述  
修竟成嗟乎使不遇 中丞公之時 列憲各從而贊成之  
又惟有待焉後之賢雖欲重加脩補文獻愈久而愈無徵勢

絳縣志

卷十七

藝文門

五

必遺漏滋多不全不備之憾又將不及乎今日覽是誌者能不為絳致慨也夫能不為絳厚幸也夫

入粵紀事一卷

國朝陳夢說撰

子部

先儒祀典一卷

國朝馬麟鳳撰

弟子規一卷

馬麟鳳撰

敬脩文

無卷數國朝撤曜撰

集部

樸園遺稿

無卷數國朝樊森然撰

榮錫堂稿

無卷數國朝陳夢說撰

白從龍詩文集

無卷數國朝白雲撰

李穎達文稿 無卷數國朝李穎達撰

聲調譜 無卷數國朝撤夢元撰

碑

晉中書令裴楷碑 無年代撰書人無攷見舊志及通志云舊有碑在楊村已剝落今亡

姜嫄墓碑 無年代舊志金泰和中進士王藻石刻云昔有伐木得斷碑於土中者字多漫滅不可識今亡

晉白雲洞佛經磨巖 正書天福五年白雲子書在白馬山磨巖刻白雲子無攷

宋尚書張觀墓碑 無年代撰書人無攷舊志云在范柴村已剝落今亡

金王藻姜嫄廟碑 無年代見舊志今亡

元李東重脩宣聖廟碑 正書在學宮大定廿七年李惠撰書

元重脩姜嫄祠碑 正書無年代撰書人無攷文見舊志在柳莊

絳縣志 卷十七 藝文門 六

明喬汝舟重脩城隍廟碑 正書在城隍廟隆慶元年喬汝舟撰書

明李浩改建儒學碑 正書在學署嘉靖十五年李浩撰書

明李尙思增脩學宮碑 正書在學宮萬曆卅二年李尙思撰書

明牛耀台學田碑 正書在書院萬曆元年牛耀台撰書

明牛耀台清白堂碑 正書在縣署萬曆元年牛耀台撰書

甲子老人圖碑 圖在縣大堂碑在縣治門外無年代無撰書人姓名

碑載至前明而止 國朝立者不載地志達例也